



TOSHKENT DAVLAT YURIDIK UNIVERSITETI REKTORINING B U Y R U G ' I

06.08.2024

135-um-son

Talaba (talabalikka tavsiya etilgan abituriyent)larni turar joy bilan ta'minlash ishlarini tizimli tashkil etish to'g'risida

O'zbekiston Respublikasi Prezidenti Sh.M.Mirziyoyev rahbarligida 2024-yil 5-fevral kuni ijtimoiy sohalardagi ustuvor vazifalar muhokamasi yuzasidan kengaytirilgan tarzda o'tkazilgan videoselektor yig'ilishida belgilangan vazifalar ijrosini ta'minlash, O'zbekiston Respublikasi Vazirlar Mahkamasining 2023-yil 14-avgustdagi "Oliy ta'lim muassasalari talabalarini turar joy bilan ta'minlash tizimini takomillashtirish chora-tadbirlari to'g'risida"gi 376-son qarori, O'zbekiston Respublikasi oliy ta'lim, fan va innovatsiyalar vazirining 2024-yil 30-iyuldagi "Oliy ta'lim muassasalari talabalarini turar joy bilan ta'minlash chora-tadbirlarini amalga oshirish to'g'risida"gi 269-son buyrug'ida belgilangan vazifalar ijrosini ta'minlash, chekka hududlardan kelib Toshkent davlat yuridik universitetida tahsil olayotgan, ijtimoiy himoyaga muhtoj oila farzandi bo'lgan va ijtimoiy faol talabalar (shu jumladan, talabalikka tavsiya etilgan abituriyentlar) uchun munosib shart-sharoitlar yaratish ularning holidan doimiy xabardor bo'lib borish, talabalarni turar joy bilan ta'minlash tizimini yanada takomillashtirish, bu borada ortiqcha ovvoragarchiliklarni oldini olish hamda Talabalar turar joyi (bundan buyon matnda – TTJ)ga joylashtirishda ijtimoiy adolat, tenglik, insonparvarlik, oshkoralikni va shaffoflikni ta'minlash maqsadida,

BUYURAMAN:

1. O'zbekiston Respublikasi oliy ta'lim, fan va innovatsiyalar vazirining 2024-yil 30-iyuldagi 269-son buyrug'i ma'lumot va ijro uchun qabul qilinsin.

2. Quyidagilar:

Oliy ta'lim muassasalarida yangi – 2024/2025-o'quv yiliga talabalarni munosib kutib olish, o'quv yilining dastlabki kunlarida talabalarni turar joy bilan tezkor ta'minlash bo'yicha yuzaga keladigan jiddiy muammolarni o'z vaqtida bartaraf etish maqsadida joriy yilning 1-avgustidan 10-sentyabrigacha bo'lgan muddat **"dolzarb qirq kunlik"** sifatida belgilanganligi;

oliy ta'lim muassasalari talabalar turar joylarini doimiy o'rganib borish uchun Oliy ta'lim, fan va innovatsiyalar vazirligidan mas'ul belgilanganligi hamda

talabalarni turar joy bilan ta'minlash bo'yicha yo'riqnoma tasdiqlanganligi;

talalarni turar joy bilan ta'minlashning shaffof va samarali tizimini joriy etish doirasida "Oliy ta'lim muassasalari talabalarini yotoqxonaga onlayn joylashtirish imkoniyatini beruvchi" axborot tizimi (bundan buyon matnda – Axborot tizimi) ishlab chiqilganligi va sinovdan o'tkazilganligi;

Axborot tizimi Elektron hukumatning idoralararo ma'lumot almashish platformasi, Iqtisodiyot va moliya vazirligining "Ijtimoiy himoya yagona reestri" axborot tizimi va boshqa manfaatdor davlat tashkilotlarining axborot tizimlari bilan integratsiyasi amalga oshirilganligi;

2024-yilning 1-avgust sanasidan boshlab talabalar TTJga Axborot tizimi orqali elektorn ariza topshirishlari joriy etilganligi inobatga olinsin.

3. Toshkent davlat yuridik universiteti (bundan buyon matnda – Universitet)da joriy yilning 1-avgustidan 10-sentyabrigacha bo'lgan muddat talabalarni munosib kutib olish, o'quv yilining dastlabki kunlarida talabalarni turar joy bilan tezkor ta'minlash bo'yicha yuzaga keladigan jiddiy muammolarni o'z vaqtida bartaraf etishga qaratilgan **"dolzarb qirq kunlik"** sifatida belgilansin.

4. Universitetning 3-bino kirish qismida hamda 3 ta TTJ binolarida talabalarni Talabalar turar joylariga va ijara xonadonlariga joylashtirishga ko'maklashuvchi markazlar (infokiosk)lar tashkil etilsin.

5. Talabalarni turar joy bilan ta'minlash ishlarini muvofiqlashtirib borish bo'yicha shtab tarkibi 1-ilovaga, talabalarni TTJ joylashtirish bo'yicha axborot tizimiga administrator sifatida belgilangan xodimlar ro'yxati 2-ilovaga, universitet rektorining ijara xonadonlari va TTJga borish jadvali 3-ilovaga, Talabalarni turar joylarga joylashtirishga ko'maklashuvchi markazda navbatchilik o'tash jadvali 4-ilovaga, O'zbekiston Respublikasi Vazirlar Mahkamasining 2023-yil 14-avgustdagi 376-son qarori Talabalar turar joyiga joylashtirishda imtiyoz qo'llaniladigan talabalar ro'yxati 5-ilovaga muvofiq tasdiqlansin.

6. Yoshlar masalalari va ma'naviy ma'rifiy ishlar bo'yicha birinchi prorektor A.Xashimhonov:

2024/2025-o'quv yilida talabalarni turar joy bilan tezkor ta'minlash bo'yicha vazirlik tomonidan taqdim etilgan Yo'riqnomaga to'liq amal qilgan holda faoliyatni tashkil etilishini nazoratga olsin;

talabalarni TTJga joylashtirish uchun arizalarni topshirish yuqori bosqich talabalari uchun 2024-yilning 1-avgust sanasidan boshlab my.gov.uz tizimi orqali qarorda belgilangan reglamentga muvofiq amalga oshirilishini barcha talabalarga yetkazilishini nazoratga olsin;

talabalarni TTJga joylashtirish bo'yicha axborot tizimiga administrator sifatida belgilangan xodimlar tomonidan barcha bosqich talabalarini belgilangan mezonlar ketma-ketligi asosida TTJga joylashtirish bo'yicha zarur chora-tadbirlarini amalga oshirishini ta'minlasin;

Axborot tizimi bilan ishlaydigan mas'ul xodimlarga tizimda ma'lumotlarni qayta ishlash yuzasidan shaxsiy javobgarligi va mas'uliyatini atroflicha

tushuntirsin va ularning faoliyatini nazorat qilib borsin;

Axborot tizimiga TTJlarning fakultetlar, qavatlar, kursi va imtiyozlarni inobatga olib, reglamentga qat'iy rioya qilgan holda o'rinlar sonini taqsimlanishini to'liq nazoratga olsin;

talabalarining TTJga yashashi uchun QR-kodli to'lov-shartnomalarini axborot tizimida shakllantirib borish hamda monitoringini yuritilishini nazoratga olsin;

talabalarni turar joylarga joylashtirishga ko'maklashuvchi markaz samarali faoliyat yuritishini ta'minlasin hamda markazda fakultet mas'ullari va volontyor talabalarining kundalik navbatchilik o'tashini, turar joy so'rab keladigan talabalarga turar joylar haqidagi ma'lumotlarni yetkazilishini nazoratga olsin;

talabalarni turar joylarga joylashtirishga ko'maklashuvchi markazda tyutorlar tomonidan shakllantirilgan ijara xonadonlari bazasini umumlashtirilgan jadvalini elektron doskada joylashtirilishi nazoratga olsin.

7. Moliya-iqtisod masalalari bo'yicha prorektor A.Iminov:

2024-yilning 25-avgust sanasiga qadar TTJ binolarida qurilish va ta'mirlash ishlarini yakunlab yangi o'quv yiliga tayyor holatga keltirish choralari ko'rsin;

fakultet dekanlari va mas'ullar bilan birgalikda TTJ binolari va Universitet talabalari istiqomat qiladigan ijara xonadonlarining kuz-qish mavsumiga tayyor holatga keltirish, yong'in xavfsizligi xodimlari ishtirokida binolarning yong'iniga qarshi soz holatda ekanligini tekshirilishini nazoratga olsin;

universitet 3-binosida talabalarni turar joylarga joylashtirishga ko'maklashuvchi markaz faoliyatini yo'lga qo'yilishi va zarur moddiy texnik vositalar bilan ta'minlanishini nazoratga olsin;

Ma'naviyat va ma'rifat markazi (Sh.Po'lotov) bilan birgalikda talabalarni turar joylarga joylashtirishga ko'maklashuvchi markaz faoliyatiga jalb qilingan volontyorlarni maxsus kiyim (futbolka va kepka) bilan ta'minlash, ularga faoliyati uchun zarur ma'lumotlarni va ko'nikmalarni berish choralari ko'rsin.

8. Talabalarga turar joy bilan ta'minlash ishlariga fakultet dekanlari to'liq mas'ul ekanligi belgilab o'tilsin.

9. Fakultet dekanlari:

tegishliligi bo'yicha o'zlari rahbarlik qilayotgan fakultet talabalarini turar joy bilan ta'minlash ishlarini muvofiqlashtirsin;

talabalarini TTJga joylashishlari uchun my.gov.uz elektron tizimi orqali elektron ariza topshirishlari mumkinligi haqida to'liq xabardor qilinishini ta'minlasin;

TTJ bino taqsimotiga to'liq amal qilgan holda eng ehtiyojmand oila farzandi bo'lgan talabalarni birinchi navbatda TTJga joylashtirish choralari ko'rsin;

turar joyga ehtiyoji bor bo'lgan talabalar sonining oshib borayotganligi munosabati bilan Toshkent shahri va Toshkent viloyatining uncha uzoq bo'lmagan hududlaridagi xonadonlarni ijaraga beradigan fuqarolar bilan, xorijiy va xususiy oliy ta'lim muassasalarining Talabalar turar joylari hamda mehmoxona uylar (hosteller) bazasini shakllantirish, ularning egalari (mas'ullari) bilan muloqot qilib

arzon va sifatlilarini talabalarga tavsiya etish, ularga talabalarni joylashtirish choralarini ko'rsin;

talabalarga TTJ va ijara xonadonlari haqida ma'lumot berish bo'yicha tashkil etilgan markaz faoliyatiga fakultet mas'ullari hamda ko'ngilli talabalarni jalb qilish, ularga TTJga joylashish tartibi va ijara xonadonlari to'g'risidagi barcha ma'lumotlarni yetkazsin va ularning faoliyatini muvofiqlashtirib borsin;

talabalarni turar joy bilan ta'minlash masalasida talabalar va fakultet mas'ullarining tezkor ma'lumot almashishlarini ta'minlash maqsadida qayta aloqa tizimini yo'lga qo'yilishini ta'minlash choralarini ko'rsin;

turar joy bilan ta'minlashda ortiqcha ovvoragarchiliklarni oldini olish maqsadida fakultet tyutorlari va ma'sullari tomonidan shakllantirilgan ijara xonadonlarining bazasini (xonadon manzili, holati, sig'imi, narxi va xonadon egasining F.I.Sh hamda telefon raqamini ko'rsatgan holda) tegishliligi bo'yicha talabalarga taqdim etib borish choralarini ko'rsin;

TTJga va ijara xonadonlariga joylashtirilgan talabalar statistikasini yuritish va kunlik ma'lumotlarni Universitet rahbariyatiga tezkor taqdim etib borilishini nazorat qilsin;

Vazirlar Mahkamasi qarori bilan belgilangan TTJga joylashtirish bo'yicha imtiyoz beriladigan me'zonlar bilan birgalikda universitetga o'qishga tavsiya etilgan talabalarni ham TTJga joylashtirish choralarini ko'rsin va TTJ bino boshliqlari bilan birgalikda ularning TTJda istiqomat qilishi uchun munosib shart-sharoitlar yaratish choralarini ko'rsin;

TTJ taqsimlanmagan, boradigan joyi yo'q talabalar va ularning ota-onalarini ijara xonadonlariga joylashgunga qadar vaqtinchalik yotoqxonalarga joylashtirish choralarini ko'rsin;

turar joy bilan ta'minlashda uzoq navbatlar hosil bo'lishi va talabalarining ota-onalarida noroziliklar yuzaga kelishining oldini olish maqsadida zarur chora-tabdirlarni ko'rsin;

2024-yilning 20-avgust sanasidan boshlab doimiy tarzda talabalar joylashgan ijara xonadonlari va TTJga shaxsan borib, talabalarining yashash sharoitlarini to'g'ri joylashganliklarini ko'zdan kechirsin;

yashash sharoiti og'ir bo'lgan ijara xonadonlarini almashtirib, talabalarni yashash sharoiti yaxshi bo'lgan ijara xonadonlariga ko'chirish choralarini ko'rsin,

talabalar va ularning ota-onalarini kutib oladigan, ularga zarur ko'rsatma va ma'lumotlar beradigan mas'ullar belgilash choralarini ko'rsin.

10. Jamoatchilik va OAV bilan aloqalar bo'limi (J.Haydarov) talabalarni turar joy bilan ta'minlash holati va bu borada amalga oshirilayotgan ishlar to'g'risidagi ma'lumotlarni OAV orqali keng yoritish choralarini ko'rsin.

11. Mazkur buyruq ijro nazoratini o'z zimmasida qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Moliya-iqtisod ishlar bo‘yicha
prorektor

A.IMINOV



Bosh mutaxassis

D.ABDULLAYEV



Katta yuriskonsult

A.TURSUNOV



TTJ mudiri-kompleks rahbari

N.SHAYZAKOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

SH.SAYDULLAYEV



YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

M.NODIROV



YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

E.RAHMATOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

D.UMARXANOVA



Boshqarma boshlig‘i

D.MAXKAMOV

